



UMHVERFISSTOFNUN

Truenorth Ísland ehf.
Haraldur Bjarnason
Hólmaslóð 8
101 Reykjavík

Reykjavík 25. febrúar 2015
UST201502-638

Efni: Kvikmyndataka í Dyrhólaey

Umhverfisstofnun hefur móttengið erindi Haralds Bjarnasonar fyrir hönd Truenorth ehf, dags 20. febrúar 2015, vegna leyfis til kvikmyndatöku í Dyrhólaey þann 11. mars 2015.

Dyrhólaey var friðlýst árið 1978 sem friðland sbr. auglýsingu í Stjórnartíðindum B nr. 101/1978. Samkvæmt friðlýsingunni er óheimilt að skaða eða trufla dýralíf á hinu friðlýsta svæði og getur Umhverfisstofnun takmarkað aðgengi almennings að eyinni á tímabilinu 1. maí til 25. júní til verndar fuglalífi.

Lýsing á framkvæmd:

Um er að ræða kvikmyndatöku vegna auglýsingar fyrir fyrirtækið Ikea. Umhverfi vitans á Háey verður kvikmyndað ásamt klettunum og sjónum í kringum Dyrhólaey. Leikarar verða einnig kvikmyndaðir í eyinni. Enginn búnaður verður notaður umfram myndavélar eða þrífætur og tókur fara fram á stígum friðlandsins. 15 manna starfslið kemur að tókunum en hvorki verður sett upp aðstaða né leikmynd. Bílum verður lagt við bílastæði á eyinni.

Áhrifamat:

Umhverfisstofnun telur að kvikmyndataka eins og henni er lýst hér að ofan, á þessum tíma árs valdi hvorki raski á gróðri né dýralífi. Umhverfisstofnun metur umfang framkvæmdarinnar sem svo að hún sé ekki leyfisskyld miðað við uppgefnar upplýsingar.

Stofnunin bendir á eftirfarandi atriði:

- Truenorth og starfsfólki sem að kvikmyndatökunni kemur, ber að ganga vel um svæðið og fylgja reglum þess í hvívetna og sjá til þess að hvorki jarðvegi né gróðri verði raskað. Göngustígum verði fylgt.
- Aðrir gestir/ferðamenn svæðisins skulu ekki verða fyrir óþægindum eða truflun vegna kvikmyndatökunnar. Bílastæði þurfa einnig að vera aðgengileg öðrum gestum.
- Sérstaklega er áréttað að allur akstur utan vega er bannaður skv. 17. gr. náttúruverndarlaga nr. 44/1999. Búnaður skal því borinn frá bílastæðum að tókustað.

Virðingarfyllt

Linda Guðmundsdóttir
Sérfræðingur

Aðalbjörg Birna Guttormsdóttir
Teymisstjóri